



Inatsisartunut ilaasortaq
Stine Egede
Inuit Ataqtigiit

§ 37 naapertorlugu apeqquteqaammut nr. 2020-031-mut – inunnut innarluutilinnut inissianut tunngasunut akissuteqaat

18-02-2020
Suliap normua. 2020 - 3461
All. id. 13069861

Asasara Stine Egede

Apeqqutinnut qujanaq.

Postboks 260
3900 Nuuk
Oqarasuaat (+299) 34 50 00
Nassitsigasuaat +299 34 66 66
E-mail: iian@nanoq.gl
www.naalakkersuisut.gl

1. Inuit innarluutillit tapersersorneqarnissaannut Inatsisartut inatsisaanni nr. 13, 12. juni 2019-imeersumi §76, imm. 2. najoqqutaralugu Naalakkersuisut nalunaarusiornissamik suliaqarniarpat?

Inuit innarluutillit tapersersorneqarnissaannut Namminersorlutik Oqartussat nalunaarutaanni nr. 18-imi, 4. november 2019-imeersumi § 28 innarluutilinnut inatsisip § 76-iani, imm. 2-mik toqqammaveqarpoq. Nalunaarut 1. januar 2020-mi atuutilerpoq.

2. Nalunaarutip tamatuma qaqugu atuutilernissaa naatsorsuutigineqarpa?

Apeqqut 1-imut akissut takuuk.

3. Qitiusumi utaqqisunut allattorsimaffimmut digitaliusumut atatillugu Naalakkersuisut ajornartorsiutaasunik aaqqiiniallutik qanoq pilersaaruteqarpat?

Isumaginninnermut Inatsisinillu Atuutsitsinermut Naalakkersuisoqarfik aamma Pitsaaliuinnermut Isumaginninnermullu Aqutsisoqarfik 2019-imi ulloq unnuarlu paaqqinnittarfinnut suliaasaqarfimmi misissueqqissaarnernik arlalinnik suliaqarsimapput. Misissueqqissaarnerit suliaasaqarfimmi ajornartorsiuteqarfiusunik assigiinngitsunik arlalinnik tikkuussipput ilaatigut paasissutissat pitsaassusaat.

Ulloq unnuarlu paaqqinnittarfinnut suliaasaqarfimmut tamarmiusumut periusissamik kinguneqartussamik, misissueqqissaarnerit taakku aallaavigalugit Naalakkersuisut suliaq aallartinnikuuat. Periusissaq Isumaginninnermut Inatsisinillu Atuutsitsinermut Naalakkersuisoqarfimmit aamma Pitsaaliuinnermut Isumaginninnermullu Aqutsisoqarfimmit suliarineqassaaq. Periusissamik suliaqarneq aallartinnikuuvoq, qanoq ililluni siumut sammititamik sulineri paasissutissat pitsaanerpaamik pissarsiarineqassanersut periusissami ilaatigut qitiutinneqassaaq.

Aammattaaq meeqqanut ilaqutariinnullu suliaasaqarfiit akornanni digitalikkut aaqqiissutissanik atorsinnaasunik kinguneqarluartunillu pilersitsinissaq Naalakkersuisunit nalinginnaasumik annertunerusumik qitiutinneqarpoq.

4. Qaqugu atorneqarsinnaasumik aaqqiissuteqarnissaq Naalackersuisuniit naatsorsuutigineqarpa, immaqa systemimik nutaamik allaanerusumik atuilernissamik imaqartoq?

Apeqquut 3-mut akissut takuuk.

Inussiarnersumik inuulluaqqusillunga



Martha Abelsen